
Янги Конституция – халқ дардига қулоқ солувчи давлат асоси!

Мамлакатимизда 30 апрель куни бўлиб ўтадиган муҳим сиёсий жараён ҳамда Бош қомусимизга киритилаётган ўзгартиш ва қўшимчалар ҳақида аҳоли хабардорлигини ошириш мақсадида Учкўприк туманида “Янги Конституция – халқ дардига қулоқ солувчи давлат асоси!” шиори остидаги тарғибот тадбирлари бўлиб ўтмоқда. Навбатдаги тарғибот тадбири республика ишчи гуруҳи аъзолари иштирокида тумандаги 18-умумтаълим мактабида бўлиб ўтди. Тадбирда “Оқила аёллар” ҳаракати аъзолари, маҳаллалардаги хотин-қизлар фаоллари, “Аёллар дафтари”да рўйхатда турувчи хотин-қизлар ҳамда ўқитувчилар иштирок этди.

Тарғиботчилар Конституциямизга киритилаётган ўзгартириш ва қўшимчалар ҳақида сўз юритиб, юртимизда оила, оналик ва болалик, гендер тенглик, хотин-қизларни қўллаб-қувватлаш йўлида олиб борилаётган тадбирларнинг Конституция даражасида мустаҳкамланиши жамиятда аёллар ҳуқуқининг тўлақонли таъминлашига асос бўлишини таъкидлади.

Тарғибот тадбири якунида ташкилланган концерт дастури, туман маданият бўлими санъаткорларининг шўх куй-қўшиқлари барчани хушнуд этди.

Ишчи гуруҳ аъзолари туманнинг “Катта қашқар” маҳалласига ҳам ташриф буюриб, бу ерда нуроний отахону онахонлар билан дилдан суҳбат қурди.

2023-04-12 14:03:02